



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cursus Theologiæ Polemicæ Universæ**

**Pichler, Vitus**

**Augustæ Vindelicorum, Anno MDCCXIII.**

§. 3. An & quomodo possit homo esse certus de sua justitia & salute?

**urn:nbn:de:hbz:466:1-39374**

## §. III.

*An & quomodo possit homo esse certus de justitia sua, & salute?*

**S**ciendum 1. Aliam esse certitudinem fidei, aliam esse certitudinem evidentiæ. Illa est circa veritatem fidei obscuram quidem, orta tamen ex motivo infallibili infallibiliter cognito. Ista est circa rem claram ac manifestam, & est triplex, nempe moralis, physica, & metaphysica. *Moralis est*, quando quidem absolutè res aliter se habere posset etiam sine miraculo, prudentem tamen formidinem de oppoſito excludit. *Physica*, quando res naturaliter se non potest aliter habere, & qua excludit omnem formidinem de oppoſito, nisi forte contingat miraculum. *Metaphysica*, quando res nec divinitus se aliter habere potest, & excluditur prorsus omnis formido absolutè. Aliqui addunt certitudinem *conjecturalem*, qua minor est, quam moralis, & tantum ex conjecturis magni momenti oritur.

**S**c. 2. Sectarios nostros, tam Lutheranos, quam Calvinistas, docere, quod homo renatus & fidelis possit, immo debet, esse certus certitudine fidei absolutâ & prorsus indubitatâ, quod sibi remissa sint peccata, & quod salvandus sit, adeoque de sua justitia, perseverantia in ea, & conseqüenter etiam de salute, scilicet per fidem illam speciem, qua quis credit, sibi in particulari esse remissa peccata, & promissam salutem a Deo propter merita

Christi. Contra spuriam hanc & stultam certitudinem, ac fraudulentam præsumptionem, qua velut dulci veneno stupratorum animas suaviter perimunt Prædicantes,

Dicendum 1. Nullus debet, aut potest esse certus absolutè, & certitudine fidei, quod sit justus, ten in statu gratiae, seclusa revelatione speciali. Prob. 1. Nihil potest *absolute* credi fide Divina & certa, quod non est *absolutè* revelatum: sed nulli est *absolutè* revelatum, quod sit iustus: ergo. Ma. est clara. Min. Prob. tum *negativè*, quia Lutherani non possunt adducere ullum textum ex tota Scriptura, in quo alicui sit absolutè & sine ulla conditione fidei, penitentia, charitatis &c. promissa justitia; tum *positivè*, afferendo textus, in quibus prominuit justitia sub certis tantum conditionibus: *Si conversi in corde suo egerint paenitentiam, & reversi fuerint ad te in toto corde suo, & in tota anima sua, tu dimittes populo tuo &c. 2. Paral. 6. v. 36. seqq. Qui diligit me, diligetur a Patre meo. Jo. 14. &c.*

Prob. 2. Nihil potest *in particulari* & fide speciali credi tanquam certum, quod nulli *in particulari* est revelatum: sed, nulli *in particulari* est revelatum, quod sit iustus: ergo. Ma. est iterum evidens penetranti termini,

nos,

nos. Min. Prob. provocando Adversarios, ut ostendant vel unicum tex-tum, in quo alicui ex Lutheranis vel Calvinistis in particulari revelatum sit, quod sit justus. Siquidem omnes promissiones & revelationes sunt tantum generales, sicuti sunt conditionatae, ut patet ex citatis paulo ante duobus tex-tibus, cuiusmodi sunt carteri omnes. Dixi tamen in assertione: *seclusa spe-ciali revelatione*; nam nos Catholici, qui admittimus etiam revelationes non scriptas, fatemur, posse alicui a Deo specialiter revelari, quod sit justus, & futurus salvus; uti defacto quibusdam insigniter Sanctis contigisse hanc gra-tiam extraordinariam legimus.

Prob. 3. Sectarij fatentur, nemini posse esse justum, nisi per fidem veram, vivam, Divinam, & supernaturalem: atqui nemo potest esse certus certitudine fidei, utrum habeat fidem, his conditionibus affectam: ergo. Min prob. Fides illa specialis, ut sit *vera*, debet esse firma, sine haesitatione, & *ex toto corde*. Act. 8. atqui Sectarij saepe non habent, imo nec habere possunt fidem tam firmam, tam perfectam, & *ex toto corde*, in hac carnis infirmitate, ut partim fatentur expressè apud Gerard. de Justif. §. 8. i. partim lequitur inde, quia preceptum fidei non potest perfectè impleri juxta ipsos. Ut fides sit *viva*, debet operari per charitatem, hoc est, debet esse conjuncta bonis operibus: sed est valde incertum ipsis, utrum habeant vera opera bona, imo impossibile, cum alio doceant, omnia opera esse peccata propter imperfectio-

nem, quam semper habent admixtam. Utrum denique fides sit *Divina & Supernaturalis*, vel solum humana & naturalis, sciri metaphysice nequaquam potest.

Dices. *Qui credit, scit se credere*, & qui habet *Contritionem*, scit se eam habere: ergo experimentaliter certus est, quod habeat veram fidem, & conditionem requisitam implevit: ergo fide speciali potest & deber credere se esse justum. Et quamvis fides insista & imperfecta, tamen fides est, consequenter iustificat. R. 1. retorq. arg. qui orat, experimentaliter est certus, quod oret, & oratio, licet imperfecta sit, tamen est oratio: ergo certus est de impetracione beneficij illius, quod petit in particulari, quia Christus generaliter promisit: *omnis, qui petit, accipit*. Mat. 7. R. 2. Etiam si cire quis possit experimentaliter se habere aliquam fidem, vel contritionem, experimentaliter tamen scire non potest, an habeat fidem supernaturalem, consequenter veram & Divinam; cum supernaturalitas non possit cadere sub experientia potentia naturalis; nec ipsa gratia supernaturalis, sine qua nullus potest eligi actus fidei Divina & supernaturalis, experimentaliter cognosci queat. Adoque obscurum, nec absolute certum ordinario est credentibus, utrum credant fide vera, Divina, & supernaturali.

Prob. 4. ex Scriptura, que claris textibus indicat, hominem nescire, an sit justus nec ne, uti Prov. 20. v. 9. *Quis potest dicere, mundum est for meum, purus sum a peccato?* Psl.

18. v. 13. *Delicta quis intelligit?* ab occultis meis munda me. 1. Cor. 4. v. *Nihil mihi conscient sum, sed non in hoc justificatus sum.* Eccl. 9. v. 1. *Sunt justi atque sapientes &c.* Et tamen nescit homo, utrum amore, an odio dignus sit.

123 Dicendum 2. Nullus debet aut potest esse absolutè certus certitudine fidei, quod sit salvandus. Prob. ipsiusdem tribus argumentis, cum proportione applicatis, quibus stabilita est assertio præcedens. Specialiter adhuc prob. 1. ex Scriptura, quæ jubet nos semper esse sollicitos: cum metu & tremore salutem vestram operamini. Phil. 2. v. 12. *Tu autem fide has, noli alium sapere, sed time.* Rom.

11. v. 20. 2. Exemplis Vitorum sanctorum, qui semper erant solliciti pro sua salute, ut David, Paulus &c. 3. Quia incertum est, an quis in obtenta semel iustitia sit perseveraturus usque ad finem, an ea iterum amissâ acturus sit rursus poenitentiam, an non subito in peccatis opprimendus morte sine elicto actu fidei &c. 4. Quia hæc spuria certitudo de salute facit homines insolentes, præsidentes, & ad omnem laxitatem ac vitia inducit, ut potest certos de salute, modò firmiter credant se salvandos, etiamsi interim peccata cumulent peccatis. 5. Quia nullus est certus certitudine fidei, quod sit baptizatus: sed sine Baptismo nulla est salus.

124 His tamen non obstantibus Catholici dicunt, hominem posse obtainere

certitudinem conjecturalem, vel etiam moralem, de sua iustitia præsente, & futura salute, ita ut propriè dubitate de ea non semper debeat, ut Sechartij obganniant identidem; nam propriè dubitare est, quando neutri parti præbetur assensus propter defectum sufficientem motivorum: sed qui moralis diligentiam aut extraordinariam adhibet, ut faciat ea, quibus iustitia & salus promissa est, habet rationes magnas vel moraliter etiam certas judicandi, se esse iustum, &c. si ita perrexerit, etiam fore salvum. Abolutam autem certitudinem spes non patitur, quia promissiones sunt factæ sub conditione nostrorum operum, non absolutè.

Obijciunt. *Spiritus reddit testimonium spiritui nostro, quod simus Filii Dei.* Rom. 8. v. 16. *Scimus, quoniam ex Deo sumus.* Jo. 5. Deinde prij motus animæ satis indicant inhabitantem Spiritum S. 12. licet testimonium internum Spiritus S. sit certum in se, non tamen est certum quoad nos; quia Sathanas potest se transfigurare in Angelum lucis; possumus impelli à natura, à sensualitate &c. Alter textus & plerique alij tantum indicant 1. vel certitudinem præcisè moralem, vel conjecturalem, ut etiam prij motus, quos etiam experientur subinde peccatores. 2. Vel supponunt specialem revelationem. 3. Vel supponunt, conditiones ab homine esse impletas &c.

PPP CON-

R. P. Pichler Theol. Polémica.